

*Rumantsch è ina lingua naziunala, ma ina lingua parzialmain uffiziala da la Confederaziun, numnadama en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validitàd legala.*

## **Lescha federala davart il princip da la transparenza da l'administraziun (Lescha da transparenza, LTrans)**

dals 17 da december 2004 (versiun dal 1. da settember 2023)

---

*L'Assamblea federala da la Confederaziun svizra,  
sa basond sin l'artitgel 173 alinea 2 da la Constituziun federala<sup>1</sup>,  
suenter avair gi invista da la missiva dal Cussegl federal dals 12 da favrer 2003<sup>2</sup>,  
concluda:*

### **1. secziun Disposiziuns generalas**

#### **Art. 1 Intent ed object**

Questa lescha ha l'intent da promover la transparenza davart l'incarica, davart l'organisaziun e davart l'activitat da l'administraziun. Per quest intent gida ella ad infurmàr la publicitat cun al garantir l'access a documents uffizials.

#### **Art. 2 Champ d'applicazиun persunal**

<sup>1</sup> Questa lescha vala per:

- a. l'administraziun federala;
- b. las organisaziuns e las persunas da dretg public e privat externas a l'administraziun federala, uschenavant ch'ellas decreteschan actas u prendan disposiziuns d'emprima instanza en il senn da l'artitgel 5 da la Lescha federala dals 20 da december 1968<sup>3</sup> davart la procedura administrativa (PA);
- c. ils Servetschs dal parlament.

<sup>2</sup> Questa lescha na vala betg per la Banca naziunala svizra e per l'Autoritat federala per la surveglianza dals martgads da finanzas.<sup>4</sup>

AS 2006 2319

<sup>1</sup> SR 101

<sup>2</sup> BBl 2003 1963

<sup>3</sup> SR 172.021

<sup>4</sup> Versiun tenor la cifra 1 da l'aggiunta da la LF dals 22 da zer. 2007 davart la surveglianza dals martgads da finanzas, en vigur dapi il 1. da schan. 2009 (AS 2008 5207; BBl 2006 2829).

<sup>3</sup> Il Cussegħ federal po excluder dal champ d'applicaziun da la lescha ulteriuras unitads da l'administraziun federala sco er ulteriuras organisaziuns e persunas externas a l'administraziun federala, sche:

- a. quai è necessari per ademplir las incumbensas che las èn vegnidas surdadas;
- b. i vegniss fatg donn a lur cumpetitivitat tras la submissiun a questa lescha;
- c. las incumbensas che las èn vegnidas surdadas èn da pitschna impurtanza.

### Art. 3 Champ d'applicaziun material

<sup>1</sup> Questa lescha na vala betg per:

- a. l'access a documents uffizials concernent:
  1. proceduras civilas,
  2. proceduras penals,
  3. proceduras da l'agid internaziunal giuridic ed uffizial,
  4. proceduras internaziunalas per reglar disputas,
  5. proceduras da la giurisdicziun statala ed administrativa u
  6. proceduras da cumpromiss;
- b. il dretg d'ina partida da consultar las actas d'ina procedura administrativa d'emprima instanza.

<sup>2</sup> L'access a documents uffizials che cuntengan datas persunals dal petent, sa drizza tenor la Lescha federala dals 25 da settember 2020<sup>5</sup> davart la protecziun da datas (LPD).<sup>6</sup>

### Art. 4 Resalva da disposiziuns spezialas

Resalvadas restan las disposiziuns spezialas d'ulteriuras leschas federalas:

- a. che decleran tschertas infurmaziuns sco secretas; u
- b. che prevesan premissas che divergeschan da quellas previsas en questa lescha per l'access a tschertas infurmaziuns.

### Art. 5 Documents uffizials

<sup>1</sup> Sco document uffizial chapeschan ins mintga infurmazion:

- a. ch'è registrada sin tge pertader d'infurmaziuns ch'i saja;
- b. ch'è en possess da l'autoritad, da la quala ella deriva u a la quala ella è vegnida communitgada; e
- c. che concerna l'adempliment d'ina incumbensa publica.

<sup>5</sup> SR 235.1

<sup>6</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBl 2017 6941).

<sup>2</sup> Sco documents uffizials vegnan considerads er ils documents che pon vegnir producids cun agid d'in tractament electronic simpel sin basa d'infurmaziuns registradas che satisfan a las pretensiuns tenor l'alinea 1 literas b e c.

<sup>3</sup> Betg sco documents uffizials vegnan considerads ils documents:

- a. che vegnan utilisads d'ina autoritat per intets commerzials;
- b. che n'èn betg anc terminads; u
- c. ch'èn destinads ad in diever personal.

## 2. secziun Dretg d'access a documents uffizials

### Art. 6 Princip da transparenza

<sup>1</sup> Mintga persuna ha il dretg da consultar ils documents uffizials e da survegnir infurmaziuns da vart da las autoritads areguard il cuntegn dals documents uffizials.

<sup>2</sup> Ella po consultar ils documents al lieu ubain dumandar ina copia. La legislaziun davart il dretg d'autur resta resalvada.

<sup>3</sup> Sch'in document uffizial è vegni publitgà en in organ da publicaziun u sin ina pagina d'internet da la Confederaziun, vegn considerà il dretg tenor ils alineas 1 e 2 sco ademplì.

### Art. 7 Excepziuns

<sup>1</sup> Il dretg d'access a documents uffizials vegn limità, suspendì u refusà, sch'el po:

- a. pregiuditgar considerablamain la libra furmaziun da l'opiniun e da la voluntad d'ina autoritat suttamessa a questa lescha, d'in auter organ legislativ u administrativ u d'ina instanza giudiziala;
- b. disturbar l'execuziun tenor las finamiras da mesiras concretas tras ina autoritat;
- c. periclitar la segirezza interna u externa da la Svizra;
- d. cumprometter ils interess da la politica exteriura u las relaziuns internaziunalas da la Svizra;
- e. cumprometter las relaziuns tranter la Confederaziun ed ils chantuns u tranter ils chantuns;
- f. periclitar ils interess da la politica economica u monetara da la Svizra;
- g. svelar secrets da professiun, da fatschenta u da fabricaziun;
- h. divulgar infurmaziuns ch'èn vegnididas communitygadas voluntarmain da terzas personas ad in'autoritat che aveva garantì da las tegnair secret.

<sup>2</sup> Il dretg d'access a documents uffizials vegn limità, suspendì u refusà, sch'el po pregiuditgar la sfera privata da terzas personas; excepcionalmain po dentant prevalair l'interess public a l'access.

**Art. 8** Cas spezials

- <sup>1</sup> I n'exista nagin dretg d'access a documents uffizials da la procedura da cunrapport.
- <sup>2</sup> Ils documents uffizials dastgan vegnir rendids accessibels pir, cura che la decisiun politica u administrativa, per la quala els èn la basa, è vegnida prendida.
- <sup>3</sup> Il Cussegli federal po decider excepcionalmain che documents uffizials da la consultaziun dals uffizis na vegnan betg rendids accessibels er suenter la decisiun.
- <sup>4</sup> L'access a documents uffizials concernent posiziuns relativas a tractativas currentas e futuras è en mintga cas exclus.
- <sup>5</sup> L'access a rapports davart l'evaluaziun da la capacitat da prestaziun da l'administrazione federala e davart l'efficacitat da sias mesiras è garantì.

**Art. 9<sup>7</sup>** Protecziun da datas personalas e da datas da persunas giuridicas

- <sup>1</sup> Documents uffizials che cuntengnan datas personalas u datas da persunas giuridicas ston, sche puissaivel, vegnir anonimisads avant che vegnir consultads.
- <sup>2</sup> Sche las dumondas d'access concernan documents uffizials che na pon betg vegnir anonimisads, ston ellas vegnir giuditgadas tenor l'artitgel 36 LPD<sup>8</sup> en cas da datas personalas e tenor l'artitgel 57s da la Lescha dals 21 da mars 1997<sup>9</sup> davart l'organizaziun da la regenza e da l'administrazione en cas da datas da persunas giuridicas. La procedura d'access sa drizza tenor la lescha qua avant maun.

**3. secziun Procedura d'access a documents uffizials****Art. 10** Dumonda d'access

- <sup>1</sup> La dumonda d'access a documents uffizials sto vegnir drizzada a l'autoritat che ha fatg il document u che l'ha survegnì sco adressata principala da terzas persunas che na suttastattan betg a questa lescha.
- <sup>2</sup> Il Cussegli federal po prevair ina procedura speziala per l'access a documents uffizials da las representanzas svizras a l'exterior e da las missiuns tar organisazions internaziunalas.
- <sup>3</sup> La dumonda sto esser formulada en moda sufficientamain clera.
- <sup>4</sup> Il Cussegli federal regla ils detagls da la procedura:
- el resguarda ils basegns spezials da las medias;
  - el po prevair autres modalitads d'access, nua ch'in grond dumber da dumondas sa referescha als medems documents;

<sup>7</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS **2022** 491; BBl **2017** 6941).

<sup>8</sup> SR **235.1**

<sup>9</sup> SR **172.010**

- c. el po prolongar ils termins da tractament per dumondas che pretendan in tractament che chaschuna ina laver spezialmain gronda.

#### **Art. 11<sup>10</sup>      Audiziun**

<sup>1</sup> Sche l'autoritat tira en consideraziun da conceder l'access a documents uffizials che pudessan violar la sfera privata da terzas persunas, en cas ch'els vegnan rendids accessibels, consultescha ella la terza persuna pertutgada e dat ad ella la chaschun da prender posizion entaifer 10 dis.

<sup>2</sup> Ella infurmescha la persuna consultada davart sia posizion pertutgant la dumonda d'access.

#### **Art. 12      Posizion da l'autoritat**

<sup>1</sup> L'autoritat prenda posizion uschè svelt sco pussaivel, en mintga cas dentant entaifer 20 dis suenter avair retschavi la dumonda.

<sup>2</sup> Il termin po vegnir prolungà excepcionalmain per 20 dis, sche la dumonda concerna documents voluminus, cumplexs u grevs da procurar. El vegn prolungà per la durada necessaria, sch'ina dumonda concerna documents uffizials che pudessan violar la sfera privata da terzas persunas, en cas ch'els vegnan rendids accessibels.<sup>11</sup>

<sup>3</sup> Sche la dumonda concerna documents uffizials che pudessan violar la sfera privata da terzas persunas, en cas ch'els vegnan rendids accessibels, suspenda l'autoritat l'access, fin che la situaziun giuridica è sclerida.<sup>12</sup>

<sup>4</sup> L'autoritat infurmescha ils petents, sch'il termin vegn prolungà u sche l'access vegn limità u refusà ed inditgescha summaricamain ils motivs persuenter. L'infurmazion e la motivaziun, sche l'access vegn limità u refusà, vegnan fatgas en scrit.

#### **Art. 13      Mediaziun**

<sup>1</sup> Mintga persuna po far ina dumonda da mediaziun:

- a. sche l'access a documents uffizials vegn limità, suspendì u refusà ad ella;
- b. sche l'autoritat n'ha betg prendi posizion davart sia dumonda entaifer il termin; u
- c. sche l'autoritat vul conceder l'access cunter sia volontad, suenter ch'ella è vegnida tadlada tenor l'artitgel 11.

<sup>10</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

<sup>11</sup> Versiun da la segunda frasa tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

<sup>12</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

<sup>2</sup> La dumonda da mediaziun sto vegnir fatga en scrit a l'Incumbensà federal per la protecziun da datas e per la transparenza (IFPDT) entaifer 20 dis suenter avair retschavi la posiziun da l'autoritat u suenter la scadenza dal termin che stat a disposizion a l'autoritat per prender posiziun.<sup>13</sup>

<sup>3</sup> Sch'ina mediaziun reussescha, è la procedura liquidada.

#### Art. 14 Recumandaziun

Sche la mediaziun na reussescha betg, consegna il IFPDT<sup>14</sup>, entaifer 30 dis suenter avair retschavi la dumonda da mediaziun, ina declaraziun en scrit a las personas participadas.

#### Art. 15 Disposizion

<sup>1</sup> Il petent u la persona consultada po pretender, entaifer 10 dis suenter avair retschavi la recumandaziun, ch'i vegnia decretada ina disposizion tenor l'artitgel 5 da la Lescha federala dals 20 da december 1968<sup>15</sup> davart la procedura administrativa.

<sup>2</sup> Dal rest decretescha l'autoritat ina disposizion, sch'ella vul – cuntrari a la recumandaziun:

- a. limitar, suspender u refusar il dretg d'access ad in document uffizial;
- b.<sup>16</sup> conceder l'access ad in document uffizial che pudess violar la sfera privata da terzas personas, en cas ch'el vegn rendi accessibel.

<sup>3</sup> La disposizion sto vegnir decretada entaifer 20 dis suenter avair retschavi la recumandaziun u la dumonda da decisiun tenor l'alinea 1.

#### Art. 16<sup>17</sup> Recurs

<sup>1</sup> La procedura da recurs sa drizza tenor las disposiziuns generalas davart l'organisaziun giudiziala.

<sup>2</sup> Las autoritads da recurs han er access a documents uffizials ch'èn suttamess a l'obligaziun da tegnair secret.

#### Art. 17 Taxas

<sup>1</sup> L'access als documents uffizials è per regla suttamess al pajament d'ina taxa.<sup>18</sup>

<sup>13</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS **2022** 491; BBI **2017** 6941).

<sup>14</sup> Expressiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS **2022** 491; BBI **2017** 6941). Questa midada è vegnida resguardada en l'entrì decret.

<sup>15</sup> SR **172.021**

<sup>16</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS **2022** 491; BBI **2017** 6941).

<sup>17</sup> Versiun tenor la cifra 7 da l'aggiunta da la LF dals 17 da zer. 2005 davart il TAF, en vigur dapi il 1. da schan. 2007 (AS **2006** 2197 1069; BBI **2001** 4202).

<sup>18</sup> Correctura dals 19 d'avust 2014 (AS **2014** 2599). Pertutga mo il text talian.

<sup>2</sup> I na vegnan betg incassadas taxas per:

- a. il tractament d'ina dumonda che pretenda pauca lavour;
- b. proceduras da mediaziun (art. 13); e
- c. proceduras da decisiun (art. 15).

<sup>3</sup> Il Cussegli federal fixescha ils detaigs e la tariffa da taxas tenor ils custs effectivs. Resalvadas restan las regulaziuns da taxas divergentas sin fundament da legislaziuns spezialas.

<sup>4</sup> Per consegagnar raports, broschuras u auters stampats e pertadars d'infurmaziuns po en mintga cas vegnir incassada ina taxa.

#### 4. secziun II IFPDT

##### Art. 18 Incumbensas e cumpetenzas

Tenor questa lescha ha il IFPDT en spezial las suandardas incumbensas e cumpetenzas:<sup>19</sup>

- a.<sup>20</sup> el maina la procedura da mediaziun (art. 13) e fa ina recumandaziun, sch'ina mediaziun na reussescha betg (art. 14);
- b.<sup>21</sup> el infurmescha – d'uffizi u sin dumonda da persunas privatas e d'autoritads – davart las modalitads da l'access a documents uffizials;
- c.<sup>22</sup> el po s'exprimer davart ils sbozs da decrets e davart las mesiras da la Confederaziun che concernan considerablamin il princip da transparenza.

##### Art. 19 Evaluaziun

<sup>1</sup> Il IFPDT evaluescha l'applicaziun, l'efficacitad ed en spezial ils custs che vegnan chaschunads tras l'execuziun da questa lescha e fa regularmain in rapport per mauns dal Cussegli federal.

<sup>2</sup> In emprim rapport davart ils custs che resultan tras l'execuziun da questa lescha sto vegnir puttames al Cussegli federal entaifer 3 onns suenter l'entrada en vigur da questa lescha.

<sup>3</sup> Ils raports dal IFPDT vegnan publitgads.

<sup>19</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

<sup>20</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

<sup>21</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

<sup>22</sup> Versiun tenor la cifra II 10 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

**Art. 20** Dretgs d'obtegnair infurmaziuns e da consultar documents

<sup>1</sup> En il rom da la procedura da mediaziun ha il IFPDT er access a documents uffizials ch'èn suttamess a l'obligaziun da teginair secret.

<sup>2</sup> Il IFPDT è suttamess al secret d'uffizi en la medema dimensiu sco las autoritads che concedan access a documents uffizials u che dattan infurmaziuns ad el.<sup>23</sup>

**5. secziun Disposiziuns finalas****Art. 21** Execuziun

Il Cussegl federal po en spezial decretar disposiziuns davart:

- a. la gestiun dals documents uffizials;
- b. l'infurmaziun davart ils documents uffizials;
- c. la publicaziun dals documents uffizials.

**Art. 22** Midada dal dretg vertent

La midada dal dretg vertent vegn reglada en l'agiunta.

**Art. 23** Disposiziun transitorica

Questa lescha vegn applitgada per ils documents uffizials ch'èn vegnids fatgs u retschavids d'ina autoritat suenter ch'ella è entrada en vigur.

**Art. 24** Referendum ed entrada en vigur

<sup>1</sup> Questa lescha è suttamessa al referendum facultativ.

<sup>2</sup> Il Cussegl federal fixescha l'entrada en vigur.

Data da l'entrada en vigur: 1. da fanadur 2006<sup>24</sup>

<sup>23</sup> Versiun tenor la cifra II 10 da l'agiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBl 2017 6941).

<sup>24</sup> COCF dals 24 da matg 2006.

*Agiunta*  
(art. 22)

### **Midada dal dretg vertent**

Las leschas qua sutvart vegnan midadas sco suonda:

...<sup>25</sup>

<sup>25</sup> Las midadas pon vegnir consultadas en la AS 2006 2319.

